

Ն Ի Խ Թ Ե Ր

ԱՂՊԱՆԻՅ ՊԱՏՄՈՒԹԵԱՆ

ՈՒՍՈՒՄՆԱՍԻՐՈՒԹԵԱՆ ՀԱՄԱՐ.

ԴՐԱԿԱՆԱԿԱՆ—ՊԱՏՄԱԿԱՆ

Ն Ո Ր Գ Ա Ր Ո Ւ Ն.

Քեզ ըսպատող չըմընաց,
Ո՛ր ես գալիս այ՛ գարուն.
Գովքըդ ասող չըմընաց,
Զուր ես գալիս այ՛ գարուն:

Սեւ-մուժ պատեց աշխարհին,
Սար ու ծոր դառան արին,
Մեզ վայ քերեց էս տարին—
Ո՛ր ես գալիս այ՛ գարուն:

Բիւքիւղդ գայ՝ թող ծէն տայ,
Էլ ո՛վ պիտի քեզ խնդայ,
Էլ ո՛ր սիրտը կը թնդայ—
Զուր ես գալիս այ՛ գարուն:

Բիւքիւղն էկա՛ւ վարդ չունի,
Ժողկոցը կայ՝ զարդ չունի.
Էլ ո՛վ ա որ դարդ չունի—
Ո՛ր ես գալիս այ՛ գարուն:

Դու ետ քերիր հաւքերին,
Ո՛նց տէր ընեն ըններին.
Սա՛ղ տեղ չկայ մեր երկրին—
Զուր ես գալիս այ՛ գարուն:

Աշուղի քերանը փակ,
Սազ—քեամանչէն փակի տակ,
Սիրտն ա էրուում անկրակ—
Ո՛ր ես գալիս այ՛ գարուն:

Քեզ ըսպատող չըմընաց,
Զուր ես գալիս այ՛ գարուն.
Գովքըդ ասող չըմընաց—
Ո՛ր ես գալիս այ՛ գարուն:

Մ. Կաղանկատուացու Աղոսանից պատմութեան ընագրի վերայ եղած փոփոխութիւնները.

Այնչեպ 1895 և 1896 թ.ներին Արարատի մէջ մի շարք յօդուածներով մենք նկարագրեցինք Կաղանկատուացու պատմութեան 5 ձեռագիրները, ցոյց տալով որ նոցանից միայն հետեւեալ 3-ը հիմնական են.

Ա. Ծրկաթագիր օրինակ Մայր Աթոռիս մատենադարանի № 1682, զրուած փրկչական 1289 թուին: Այս ձեռագրից են ծագում բոլոր այն նորագոյն ընդօրինակութիւնները, որոնցից կատարուել են Պարիզի և Մոսկուայի հրատարակութիւնները:

Բ. Բոլորագիր ձեռագիր Մայր Աթոռիս մատեն. № 633 (Գէորգ. ցուց.), փրկչական 1664 թուից:

Գ. Նօտարագիր անթուական, Մայր Աթոռիս մատ. № 1721:

Բ. և Գ. ձեռագիրները, ինչպէս նաև Հ. Ալիշանի ձեռքում գտնուած մի օրինակ, որից օգտուել է նա իւր Սիսականում, պատկանում են մի խմբի, որ մենք անուանել ենք երկրորդ խումբ. իսկ առաջին խումբը միայն մի օրինակ է, այն է՝ երկաթագիրը:

Այստեղ մենք յառաջ ենք բերում այն հատուածները, որոնք եղծուած են երկաթագիր օրինակում և այդպէս ընդօրինակուած Ա. խմբին պատկանող ձեռագիր և տպագիր օրինակներէ մէջ, որոնց նախնական իմաստը վերականգնել կարելի է սակայն, հետեւելով Բ. խմբին պատկանող ձեռագիր օրինակներին: